



ОРХОН АЙМГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ТОГТООЛ

2020 оны 11 сарын 30 өдөр

Дугаар 02/01


Эрдэнэт

Г Орхон аймгийг хөгжүүлэх
таван жилийн үндсэн чиглэл батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 25 дугаар зүйлийн 25.1 дэх хэсэг, 18 дугаар зүйлийн 18.1.2 “а”, 18.1.2 “е” дэх заалтууд, Хөгжлийн бодлого төлөвлөлт, түүний удирдлагын тухай хуулийн 9 дүгээр зүйлийн 9.11.1 дэх заалтыг тус тус үндэслэн аймгийн иргэдийн Төлөөлөгчдийн Хурлаас ТОГТООХ нь:

1. Орхон аймгийг хөгжүүлэх таван жилийн үндсэн чиглэлийг хавсралтаар баталсугай.

2. Орхон аймгийг хөгжүүлэх таван жилийн үндсэн чиглэлийг хэрэгжүүлэх ажлыг аймаг, сумын Засаг даргын үйл ажиллагааны хөтөлбөртэй уялдуулан зохион байгуулж, хэрэгжилтийн тайланг жил бүрийн IV улиралд багтаан аймгийн иргэдийн Төлөөлөгчдийн Хуралд тайлагнахыг аймгийн Засаг дарга С.Батжаргалд даалгасугай.



ОРХОН АЙМГИЙГ ХӨГЖҮҮЛЭХ
ТАВАН ЖИЛИЙН ҮНДСЭН ЧИГЛЭЛ

НЭГ. ҮНДЭСНИЙ НЭГДМЭЛ ҮНЭТ ЗҮЙЛ

Зорилго 1. Эх хэл, түүх соёлыг дээдэлсэн, эх оронч үзэл, эв нэгдлийг эрхэмлэсэн “Эрдэнэтийн иргэн”-ийг төлөвшүүлнэ.

Зорилгын хүрээнд дэвшүүлсэн зорилт, хүрэх үр дүн: “**Үнэт зүйлтэй-Эрдэнэт хүн**”

Зорилт 1.1. Эх хэл, уламжлалт зан заншил, түүхээ дээдэлсэн, хотын соёлыг тээгч, зөв хүн болгон төлөвших үйл ажиллагааг иргэдийн дунд олон талт хэлбэрээр зохион байгуулна:

1.1.1. Аймгийн нутаг дэвсгэрт түүх, соёлын үл хөдлөх дурсгал, соёлын биет болон биет бус өвийн хадгалалт, хамгаалалтыг сайжруулан, сурталчлан өвлүүлнэ.

1.1.2. Монголын түүх, хэл, соёл, зан заншил, эх оронч сэтгэлгээ, үндэсний өв уламжлал, орон нутаг судлалыг шингээсэн хичээлийг орон нутгийн онцлогтой уялдуулан сургууль, цэцэрлэг бүр өөр өөрийн хөгжлийн хөтөлбөрөөр зохион байгуулна.

1.1.3. Монгол үндэсний соёлын онцлогийг агуулсан үндэсний сор брэнд бүтээлүүд, шинэлэг уран бүтээлийн төсөл, санал, санаачилгыг дэмжиж, Эрдэнэтийн иргэдийн хүртээл болгоно.

1.1.4. “Бид-Эрдэнэтчүүд” уриан дор соёл, спортын төрөл бүрийн арга хэмжээг уламжлал болгон зохион байгуулна.

“Үндэсний бичиг, соёлоо дээдлэгч- Эрдэнэт хүн”

Зорилт 1.2. Байгууллага, иргэдийн дунд үндэсний монгол хэл, бичгээ эзэмших, ашиглах, сурталчлах ажлыг хүртээмжтэй хэлбэрээр зохион байгуулна:

1.2.1. Монгол хэл, бичгийн боловсролыг сурагчдад эзэмшүүлэх арга технологи, орчин бүрдүүлэлтийг сайжруулан, сургалтын чанарыг дээшлүүлнэ.

1.2.2. Монгол хэл, бичгийг нийтийн болон албан хэргийн түвшинд зөв хэрэглэж хэвшүүлэх “Эх хэл-Эрдэнэт” төсөл, хөтөлбөрийг хэрэгжүүлнэ.

Нийгмийн соён гэгээрэл

Зорилт 1.3. Иргэд, хүүхэд, запуучуудыг нийгмийн ёс зүйг дээдэлсэн, өөрийн хотын үнэт зүйлсээр бахархдаг, эерэг харилцаа, хандлага бүхий ухамсарт зан үйлд суралцуулна:

1.3.1. Нийгэмд ёс зүйг дээдлэх, харилцаа хандлагад эерэг өөрчлөлт гаргах олон талт ажил үйлсийг дэмжинэ.

1.3.2. Монгол хүний амин /давуу/ чанарыг эрхэмлэж, үндэсний ёс заншил, уламжлалыг түгээн дэлгэрүүлнэ.

1.3.3. Иргэдийн аж төрөх байдал ”Хотын соёл-Хамтын соёл” хэм хэмжээг төлөвшүүлнэ.

ХОЁР. ЭРҮҮЛ, БҮТЭЭЛЧ, ХӨГЖИХ ТЭМҮҮЛЭЛТЭЙ-ЭРДЭНЭТ ХҮН

Зорилго 2. Гэр бүлд ээлтэй, хүний хөгжилд чиглэсэн бодлогыг хэрэгжүүлж, оюунлаг, ёс суртахуунтай, байнгын орлоготой, дэлхийд үнэлэгдэх “Эрдэнэтийн иргэн” төлөвшүүлнэ.

Боловсрол

Зорилгын хүрээнд дэвшигүүлсэн зорилт, хүрэх үр дүн: “**Мэдлэг боловсролтой-Эрдэнэт хүн**”

Зорилт 2.1. Боловсролын үйлчилгээг тэгш, чанартай зохион байгуулан, хүртээмжийг нэмэгдүүлнэ:

2.1.1.5 настай хүүхдийг сургуулийн өмнөх боловсролд заавал хамруулж, сургуулийн өмнөх боловсролын чанар, хүртээмжийг сайжруулна.

2.1.2.“Багш” төсөл, хөтөлбөрийг үргэлжлүүлэн хэрэгжүүлж, мэргэжлийн ур чадвар, ёс зүй, харилцаа хандлагыг дээшлүүлэн, нийгмийн баталгааг хангана.

2.1.3.“Эко сургууль”, “Ногоон цэцэрлэг” аян хэрэгжүүлж, хүүхдэд ээлтэй, эрүүл, аюулгүй орчин бүхий сургууль, цэцэрлэгийн барилга барина.

2.1.4.Ажил мэргэжлийн чиг баримжаа олгох, инженерийн боловсрол олгох суурь үйл ажиллагааг “Эрдэнэт цогцолбор” сургууль, орон нутгийн их, дээд сургуулийг түшиглэн зохион байгуулж өрсөлдөх чадвартай мэргэжилтэн бэлтгэх, орос сургууль, цэцэрлэгийг гадаад хэлний сургалттай жишиг сургууль, цэцэрлэгийн хэмжээнд хүргэх, бусад сургуулийг байгалийн ухаан, математик, гадаад хэл, спорт, урлагийн боловсрол олгох чиглэлээр төрөлжүүлж хөгжүүлнэ.

2.1.5.Сурагчдын зуны амралтыг үр бүтээлтэй өнгөрүүлэх, хөдөлмөрт суралцуулах, хамтарч ажиллах чадвар эзэмшигүүлэх ажлыг санаачлан хэрэгжүүлж буй төрийн болон төрийн бус байгууллага, аж ахуйн нэгж, хувь хүний үйл ажиллагааг дэмжинэ.

2.1.6.Сургууль, эцэг эх, сурагчдын хооронд мэдээлэл солилцох цахим системийг боловсронгуй болгож, сургалт, хүмүүжил, төлөвшлийн үйл ажиллагаанд эцэг эхийн оролцоо, хяналтыг сайжруулна.

2.1.7.Орон нутгийн онцлогт тохируулан сургууль, цэцэрлэг, багшийн ажлын үр дүнг бодитойгоор үнэлж, дүгнэх аргачлал боловсруулан хэрэгжүүлэх, бүх шатны сургалтын чанар, хүртээмжийг нэмэгдүүлнэ.

2.1.8.Сургуульд суралцах боломжгүй хөгжлийн бэрхшээлтэй хүүхдийг онлайн, зайны сургалтад хамруулах, сургууль, цэцэрлэг бүрт хөгжлийн бэрхшээлтэй хүүхэд суралцах орчин нөхцөлийг бүрдүүлэн, багш, ажилтанд дэмжлэг үзүүлнэ.

2.1.9.Хүүхэд харах үйлчилгээг дэмжин, эмэгтэйчүүдийн хөдөлмөр эрхлэлтийг нэмэгдүүлнэ.

Эрүүл мэнд

Зорилгын хүрээнд дэвшигүүлсэн зорилт, хүрэх үр дүн:

Зорилт 2.2. Өвчнөөс урьдчилан сэргийлэх, эрт илрүүлэх, хянах тогтолцоог бэхжүүлж, орчин үеийн оношилгоо, эмчилгээний технологийг өргөжүүлэх замаар эрүүл мэндийн тусламж, үйлчилгээний чанар, хүртээмжийг сайжруулна:

2.2.1.Эрүүл мэндийн ажилтны ур чадвараа тасралтгүй хөгжүүлэх боломжийг нэмэгдүүлж, нийгмийн баталгааг сайжруулна.

2.2.2.Иргэдийн эрүүл мэндийн боловсролыг дээшлүүлж, иргэн бүр урьдчилан сэргийлэх, эрт илрүүлэх эрүүл мэндийн үзлэг, оношилгоонд тогтмол

хамрагдах нөхцөлийг сайжруулж, нотолгоонд суурилсан эрүүл мэндийг дэмжин хөгжүүлнэ.

2.2.3.Анхан болон лавлагаа шатлалын оношилгоо, эмчилгээний тусламж, үйлчилгээ үзүүлэх чадавхыг нэмэгдүүлж, дэвшилтэт технологи нэвтрүүлснээр иргэд орон нутагтаа эмчлүүлэх боломжийг бүрдүүлнэ.

2.2.4.Нийгмийн эрүүл мэндийн ноцтой байдал, гамшиг, онцгой байдлын үеийн эрүүл мэндийн байгууллагын нөөцийн бэлэн байдал, хариу арга хэмжээ авах чадавхыг бэхжүүлнэ.

2.2.5.Төр, хувийн хэвшлийн түншлэлийг өргөжүүлж, зарим ажил үйлчилгээг гэрээгээр гүйцэтгүүлнэ.

2.2.6.Эм, эмнэлгийн хэрэгслийн чанар, аюулгүй байдлыг хангаж, хяналтыг сайжруулна.

2.2.7.Эрүүл мэндийн салбарт цахим үйлчилгээг өргөжүүлэн, орон нутагт хийгдэх оношилгоо, эмчилгээнд алсын зайн технологийг нэвтрүүлнэ.

2.2.8.Анхан болон лавлагаа шатлалын барилга, өргөтгөл, их засварын ажлыг үе шаттайгаар хийж, стандарт, чанарын шаардлага хангасан үйлчилгээ үзүүлэх орчныг бүрдүүлнэ.

2.2.9.Төр, хувийн хэвшлийн эрүүл мэндийн байгууллага болон даатгалын байгууллагын уялдаа холбоог сайжруулах замаар хүлээгдэл, чирэгдлийг бууруулж, эрүүл мэндийн үйлчилгээний нээлттэй, хөнгөн шуурхай, цогц байдлыг хангах, хянах нөхцөлийг бүрдүүлнэ.

2.2.10.Иргэдийг хөдөлгөөний хомстол, сэтгэцийн эрүүл мэндийн сөрөг нөлөөлөл, төрөл бүрийн донтолт, хамаарлаас урьдчилан сэргийлэх төсөл хэрэгжүүлнэ.

Гэр бүл

Зорилт 2.3. Гэр бүлд суурилсан хүний хөгжил, оролцоог дээшлүүлж, хүүхэд хамгааллын үйлчилгээний чанар, хүртээмж, салбар дундын уялдаа холбоог сайжруулан, залуучуудын идэвхэжсэн хандлагыг дэмжинэ:

2.3.1.Гэр бүлийн хөгжлийг дэмжсэн төсөл хэрэгжүүлж, зорилтот гэр бүлд чиглэсэн үйлчилгээг сайжруулна.

2.3.2.Хамтарсан багийн үйл ажиллагааг дэмжиж, урамшуулал, хариуцлагын тогтолцоог бий болгоно.

2.3.3.Хүүхдийг аливаа эрсдэлд өртөхөөс урьдчилан сэргийлэх, нийгмийн хандлагыг төлөвшүүлэхэд байгууллагын эцэг, эхийн зөвлөлөөр дамжуулан хамтран ажиллана.

2.3.4.Залуучуудад чиглэсэн амьдрах ухаан, гэр бүлийн боловсрол олгох, нөхөн үржихүйн сургалт, нөлөөллийн үйл ажиллагааг сайжруулах ажлыг орон нутгийн хөгжлийн бодлоготой уялдуулан хэрэгжүүлнэ.

2.3.5.Залуучуудын хөгжил, идэвхэжсэн хандлага, оролцоог дэмжинэ.

Шинжлэх ухаан, технологи, инновац

Зорилт 2.4. Шинжлэх ухаан, технологийг аймаг, хотын тогтвортой хөгжлийн үндсэн хүчин зүйлсийн нэг болгон хөгжүүлж, үр ашигтай инновацыг хөгжүүлнэ:

2.4.1.Бизнес эрхлэгчдийн бүтээгдэхүүн хөгжүүлэлтийг дэмжих, шинэ технологи нэвтрүүлэх, дамжуулах, судалгаа хөгжүүлэх, инновацыг дэмжих төсөл, хөтөлбөрүүдийг хэрэгжүүлнэ.

2.4.2. Эрдэнэт шинжлэх ухаан, технологийн паркыг түшиглэн боловсрол, эрдэм, шинжилгээ, үйлдвэрлэлийн уялдаа холбоог бий болгох, сургалтын чанарыг дээшлүүлэх, оюутан суралцагчдын бүтээлч байдлыг хөгжүүлнэ.

2.4.3. Харилцаа холбоо, мэдээллийн технологийн дэвшлийг салбар бүрт нэвтрүүлэхэд дэмжиж ажиллана.

Хүнд ээлтэй амьдрах орчин

Зорилт 2.5. Эрүүл, аюулгүй, баталгаат орчныг бий болгоно:

2.5.1. Байгалийн аюулт үзэгдэл, болзошгүй гамшгийг тандан судлах, эрт илрүүлэх, урьдчилан мэдээлэх тогтолцоог бэхжүүлж, иргэдийг нүүлгэн шилжүүлэх аюулгүй бүс тогтоож, үүсэж болзошгүй аваар, ослыг бууруулна.

2.5.2. Гэр хорооплыг дахин төлөвлөж байгальд ээлтэй, эрчим хүчний хэмнэлттэй, дулааны алдагдалгүй ногоон барилга, байгууламжийг нэмэгдүүлэх, дэд бүтэц барих ажлыг үе шаттайгаар хэрэгжүүлнэ.

2.5.3. Хот суурины үерийн далан суваг, борооны болон хөрсний ус зайлцуулах шугам сүлжээний ажлыг үе шаттайгаар хэрэгжүүлнэ.

2.5.4. Гал түймэр, гамшиг ослоос урьдчилан сэргийлэх, тэмцэх чадавхыг нэмэгдүүлнэ.

2.5.5. Хүнсний аюулгүй байдлыг сайжруулж, хүнсний сүлжээний бүх шатанд түүхий эд, бүтээгдэхүүний аюулгүй байдлыг хангана.

ГУРАВ. АМЬДРАЛЫН ЧАНАР БА ДУНДАЖ ДАВХАРГА

Зорилго 3. Хүн амын хөдөлмөр эрхлэлтийг дэмжих, өрхийн орлогыг нэмэгдүүлэх, орон сууцанд амьдрах боломжийг нэмэгдүүлж, дундаж давхаргын хүрээг тэлэн амьдралын чанарыг дээшлүүлнэ.

Зорилгын хүрээнд дэвшүүлсэн зорилт, хүрэх үр дүн: Нийгмийн хамгаалал ба даатгалын тогтолцооны шинэчлэл

Зорилт 3.1. Ахмад настанд ээлтэй, хүртээмжтэй орчин нөхцөлийг бүрдүүлнэ:

3.1.1. Ахмад настанд ээлтэй, хүртээмжтэй орчин нөхцөлийг бүрдүүлэх, ахмадын хөгжлийн төвүүдийг нэмэгдүүлж, тэдгээрийн үйл ажиллагааг дэмжинэ.

3.1.2. Ахмад настанд чиглэсэн эрүүл мэнд, нийгмийн хамгааллын үйлчилгээний чанар, хүртээмжийг сайжруулна.

3.1.3. Ахмад настан болон анхдагч илгээлтийн эздэд зориулсан төсөл хэрэгжүүлж, залуу үеийн залгамж холбоог хангана.

3.1.4. Ахмад настны оюуны болон мэргэжлийн туршлага, чадавхыг ашиглах, нийгмийн амьдралд идэвхтэй үүрэг гүйцэтгэх, зөвлөх үйлчилгээ үзүүлж хувь нэмрээ оруулахад нь дэмжлэг үзүүлнэ.

Зорилт 3.2. Хүн амын бүлгүүдийн ялгаатай хэрэгцээ, шаардлагад нийцүүлэн нийгмийн халамжийн үйлчилгээг зорилтот бүлэгт хүргэж, ил тод, нээлттэй байдлыг хангана:

3.2.1. Нийгмийн халамжийн үйлчилгээг үе шаттайгаар цахимд шилжүүлнэ.

3.2.2. Онцгой тохиолдлын болон амьжиргааг дэмжих нөхцөлд мөнгөн тусламж, олон нийтийн оролцоонд түшиглэсэн халамжийн үйлчилгээг чирэгдэлгүй, түргэн шуурхай хүргэнэ.

3.2.3.Өрхийн амьжиргааны түвшин тогтоох судалгааг батлагдсан аргачлалын дагуу явуулна.

Орлогод нийцсэн орон байр

Зорилт 3.3. Өрх, гэр бүлийн худалдан авах чадварт нийцсэн өртөг бүхий сууцаар хангах бодлогыг дэмжинэ:

3.3.1.Иргэдийг зээлийн хөнгөлөлттэй нөхцөлөөр хувийн орон сууцтай болгох төсөл хэрэгжүүлнэ.

3.3.2.Айл, хөрш, гудамжаараа нэгдэн төлөвлөлт хийж, инженерийн дэд бүтцэд бүрэн холбогдсон, амины орон сууц болгох дахин төлөвлөлтийн ажлыг иргэдийн оролцоотой хэрэгжүүлж, амьдран суух байшингаа барихад дэмжлэг үзүүлж ажиллана.

Хөдөлмөр эрхлэлт ба гарааны бизнес

Зорилт 3.4 Хөдөлмөр эрхлэлтийн үйл ажиллагаанд үр дүнд суурилсан санхүүжилтийн арга хэлбэрийг нэвтрүүлэн ажилгүйдлийг бууруулах, ажлын байрыг нэмэгдүүлэх хөтөлбөр, арга хэмжээг хэрэгжүүлнэ:

3.4.1.Иргэдийг мэргэжлийн сургалтад хамруулан, тогтвортой ажил, хөдөлмөр эрхлэлтийг дэмжинэ.

3.4.2.Хөдөлмөр эрхлэлтийг дэмжих сангийн эх үүсвэрээс өрхийн үйлдвэрлэл, бичил бизнесийг дэмжих замаар ажлын байрыг нэмэгдүүлж, мэдээллийн ил тод, нээлттэй байдлыг хангана.

3.4.3.“Эрдэнэтчүүд эрдэнэтчүүддээ хайртай” хөтөлбөрийг үргэлжлүүлэн хэрэгжүүлнэ.

3.4.4.“Залуучуудын хөдөлмөр эрхлэлтийн үйлчилгээний загвар төв” /start-up/ -ийг түшиглэн залуучуудыг бизнес эрхлэх, зорилгodoо хүрэхэд шаардлагатай дэмжлэг, туслалцаа үзүүлнэ.

3.4.5.Их, дээд сургуулийн дэргэд “Хөдөлмөр эрхлэлтийн төв”-ийг бий болгож, оюутан залуучуудыг цагийн ажилд зуучлах, цаг, өдрөөр ажиллах ажлын байр бий болгосон аж ахуйн нэгжүүдийг дэмжинэ.

3.4.6.Хоршоо эрхлэгчдийг бодлогоор дэмжин, ажлын байрыг нэмэгдүүлнэ.

3.4.7.Өрхийн болон жижиг, дунд үйлдвэрийн зориулалттай зээлийн сан, хүртээмжийг нэмэгдүүлж, төсөл хөтөлбөрт хамрагдах, санхүүгийн зах зээлд гарах нөхцөлийг бүрдүүлнэ.

Эрүүл, идэвхтэй амьдралын хэв маяг

Зорилт 3.5. Нийтийн биеийн тамирыг эрүүл, идэвхтэй амьдралын зөв хэв маяг, аж төрөх ёсны салшгүй хэсэг болгож, спортоор хичээллэх ээлтэй орчныг бүрдүүлнэ:

3.5.1.Спортын болон фитнес клубуудыг магадлан итгэмжлэлд хамруулах, эрүүл мэндийн даатгалаар идэвхтэй хөдөлгөөн, спортоор хичээллэх үйлчилгээ авах иргэдийн тоог нэмэгдүүлнэ.

3.5.2.Хийн болон эрүүл мэндийн дасгал хөдөлгөөн өрнүүлэх иргэд, аж ахуйн нэгж, байгууллагын санал, санаачилгыг дэмжинэ.

3.5.3.Жил бүр спортын их наадмуудын анхан шатны тэмцээнийг орон нутагт зохион байгуулж, тамирчдын амжилт гаргах нөхцөлийг бүрдүүлнэ.

3.5.4. Аймгийн Засаг даргын дэргэдэх өсвөрийн шигшээ багийн төрлийг тогтоон, дасгалжуулагчдыг сонгон шалгаруулж, гэрээ байгуулах, спортын хэрэглэл, материалаар иж бүрэн хангана.

3.5.5. Орон сууцны болон гэр хорооллын дундах амралт, чөлөөт цагийн талбайн ашиглалт, хүртээмжийг нэмэгдүүлнэ.

3.5.6. Аймгийн хэмжээнд өвлийн спортыг хөгжүүлж, боловсон хүчин, материаллаг баазаар ханган “Эрдэнэт-Спорт амралтын хүрээлэн”-г түшиглэн хичээллэх нөхцөлийг бүрдүүлнэ.

3.5.7. Хувийн хэвшлийн байгууллагуудтай хамтран ердийн болон цахилгаан дугуйн түрээсийн үйлчилгээг нэвтрүүлнэ.

Газрын харилцаа

Зорилт 3.6. Газар зохион байгуулалтын төлөвлөгөөг хэрэгжүүлэн хүн амын эрүүл, аюулгүй, ая тухтай орчинд амьдрах нөхцөлийг бүрдүүлнэ:

3.6.1. Аймгийн газар зохион байгуулалтын 2021-2037 он хүртэлх 16 жилийн ерөнхий төлөвлөгөөг батлуулж хэрэгжүүлнэ.

3.6.2. Эрдэнэт хотод гудамж, талбайн нэр, эд хөрөнгийн хаягжилтыг батлагдсан стандартын дагуу хэрэгжүүлж, барилгажилтыг дэмжихгүй байршуудыг тодорхойлон иргэдэд мэдээлнэ.

3.6.3. Газар ашиглалт, газрын төлөв байдал, чанарын хянан баталгаа, газрын мониторингийн байнгын ажиллагаатай хяналтын систем бий болж, газрыг хамгаалах, нөхөн сэргээх тогтолцоог бүрдүүлнэ.

3.6.4. Геодезийн сүлжээг шинэчлэн сайжруулж, аймгийн нийт нутаг дэвсгэрийн хэмжээнд байр зүйн зургийг үе шаттайгаар бий болгоно.

3.6.5. Газар, үл хөдлөх хөрөнгийн нэгдсэн бүртгэл, үнэлгээ, төлбөр, татвар, биржийн системийг хөгжүүлж, үйл ажиллагааг эхлүүлнэ.

ДӨРӨВ. ЭДИЙН ЗАСАГ

Зорилго 4. Эдийн засгийн тогтвортой өсөлт иргэн бүрдээ хүрсэн, дундаж давхарга зонхилсон, олон тулгуурт эдийн засагтай хот болно.

Зорилгын хүрээнд дэвшүүлсэн зорилт, хүрэх үр дүн: **Үйлдвэрлэгч-Эрдэнэт хот**

Эдийн засгийн тэргүүлэх чиглэлүүд

Зорилт 4.1. Эдийн засгийн бүтцийн шинэчлэлийг эхлүүлж, өрсөлдөх чадварыг нэмэгдүүлэн, экспортод чиглэсэн хүнд, хөнгөн үйлдвэрлэлийг хөгжүүлнэ:

4.1.1. Экспортод чиглэсэн бизнест эрх зүйн хувьд зөвшөөрөгдсөн, боломжит дэмжлэгүүдийг үзүүлж, хөдөө аж ахуйн бүтээгдэхүүний боловсруулалтын түвшинг нэмэгдүүлж, малын гаралтай бүтээгдэхүүний экспортыг нэмэгдүүлнэ.

4.1.2. Дулааны цахилгаан станцыг өргөтгөж, цахилгаан дамжуулах агаарын шугам, дэд станц, шинэ эх үүсвэрийг барьж, эрчим хүчээр бүрэн хангана.

4.1.3. Ухаалаг хот төслийг хэрэгжүүлэн тээвэр ложистикийн төвийг байгуулна.

4.1.4. Эрдэнэтийн баяжуулах үйлдвэрт өргөтгөл, шинэчлэл, ил уурхайд мөчлөгт урсгалт тээврийн технологи, эмульсийн тэсрэх бодисын үйлдвэрийг байгуулах төсөл хэрэгжүүлнэ.

4.1.5. Эрдэнэт үйлдвэрт үйлдвэрлэл, парк байгуулах ажлын хүрээнд исэлдсэн хүдрээс катодын зэс үйлдвэрлэх төсөл, зэсийн баяжмал боловсруулах үйлдвэр байгуулах төсөл, бусад паркийн төслүүдийг хэрэгжүүлнэ.

4.1.6. “Эрдэнэт шинжлэх ухаан технологийн парк”-ийн үйлдвэрлэлийг өргөжүүлэн, чанар, стандартын шаардлага хангасан шинэ төрлийн бүтээгдэхүүн үйлдвэрлэнэ.

4.1.7. Тогтвортой үйлдвэрлэл, инноваци зэрэг ногоон хөгжлийг дэмжсэн бус нутаг, хот, олон улсын байгууллага хоорондын хамтын ажиллагааг өргөжүүлнэ.

4.1.8. Орон нутгийн импортыг орлох органик брэнд бүтээгдэхүүн үйлдвэрлэх санал, санаачилгыг бүх талаар дэмжинэ.

Үндэсний баялагийн сан

Зорилт 4.2. Хариуцлагатай, тогтвортой хэрэглээ болон үйлдвэрлэлийг дэмжинэ:

4.2.1. Уул уурхай, хөдөө аж ахуй, зам, барилгын тоног төхөөрөмж ба бусад төрлийн металл /зэс/, резинэн хийцийн эд ангийн үйлдвэрлэлийг дэмжсэн төсөл хэрэгжүүлнэ.

4.2.2. Эрдэнэт хотод үйл ажиллагаа явуулдаг төрийн болон орон нутгийн өмчт үйлдвэрийн газар, компаниудад бараа, ажил, үйлчилгээ худалдан авахад нь орон нутгийн аж ахуйн нэгжүүдийг дэмжих, хамтран ажиллах нөхцөлийг бүрдүүлнэ.

Ухаалаг санхүүгийн зах зээл

Зорилт 4.3. Эдийн засгийг тэтгэсэн, уян хатан, цахим технологид сууринсан, олон талт санхүүгийн үйлчилгээг хөгжүүлнэ:

4.3.1. Татвар төлөгчдөд сургалт, зөвлөгөө өгч эрсдэлийн удирдлагын тогтолцоог сайжруулан, төрийн болон төрийн бус байгууллагатай хамтарсан цахим сургалт, үйлчилгээ үзүүлнэ.

4.3.2. Санхүүгийн байгууллагуудын чадавхыг бэхжүүлэх замаар санхүүгийн үйлчилгээнд хамрагдах нөхцөл, бололцоог нэмэгдүүлнэ.

4.3.3. Ногоон зээлийн сан, ногоон ажлын байр, инновацыг дэмжсэн санхүүгийн үйлчилгээний хүртээмжийг нэмэгдүүлэх замаар бичил, жижиг, дунд бизнесийг хөгжүүлнэ.

Бус нутгийн хамтын ажиллагаа

Зорилт 4.4. Харилцаа, хамтын ажиллагаат хөрш орнуудын муж, хотуудтай хамтран эдийн засгийн харилцааг хөгжүүлнэ:

4.4.1. ОХУ, БНХАУ-ын харилцаа, хамтын ажиллагаат хотуудтай худалдаа, эдийн засгийн харилцааг өргөжүүлэх аж ахуйн нэгж, компаниудыг бүх талаар дэмжинэ.

4.4.2. Бусад орнуудын харилцаатай хот, мужуудтай харилцан ашигтай хамтын ажиллагааг хөгжүүлэн, шинээр харилцаа тогтооно.

ТАВ. ТОГТВОРТОЙ ЗАСАГЛАЛ-ЭРДЭНЭТ ХҮЧ

Зорилго 5. Орхон аймаг, Эрдэнэт хотын хүний хөгжлийг хангасан ухаалаг-тогтвортой засаглал, оновчтой бүтэц, зохион байгуулалт бүхий цомхон, чадварлаг төрийн албыг төлөвшүүлэн, цахим технологид тулгуурласан иргэн төвтэй төрийн үйлчилгээнд шилжиж, төр, хувийн хэвшил, иргэний нийгмийн хамтын ажиллагааг

өргөжүүлэн төрийн үйлчилгээг шуурхай, хариуцлагатай, хүртээмжтэй хүргэх нөхцөлийг бүрдүүлнэ.

Зорилтын хүрээнд дэвшүүлсэн зорилт, хүрэх үр дүн: “Цахим Эрдэнэт”-төрийн шуурхай үйлчилгээ

Зорилт 5.1. Төрийн үйлчилгээг шуурхай, хариуцлагатай, хүртээмжтэй хүргэх нөхцөлийг бүрдүүлж, иргэдийн цаг хугацаа, зардлыг хэмнэнэ:

5.1.1 “Цахим төрийн үйлчилгээ” хөтөлбөр хэрэгжүүлж төрийн байгууллагад байгаа мэдээллийг иргэн, аж ахуйн нэгжээс шаардлаг байдлыг зогсоож, иргэд нэг удаа бүртгүүлээд төрийн цахим үйлчилгээг шуурхай авдаг болгох ажлыг үе шаттайгаар зохион байгуулна.

5.1.2. Төрийн байгууллага хоорондын болон төр, иргэний нийгэм, бизнесийн байгууллагуудын мэдээллийн солилцоо сайжирч, захиргааны зардал бууран, үйлчилгээний үр дүн сайжирна.

5.1.3. Иргэдийн өргөдөл, гомдлыг шуурхай шийдвэрлэж, бодлого шийдвэр, үүрэг даалгаврын биелэлтийг цахимаар хянадаг систем улам сайжирсан байна.

5.1.4. Багийн хөгжлийг дэмжих дэд хөтөлбөр үргэлжлэн хэрэгжиж, хөтөлбөрийн шалгуур үзүүлэлтүүд хангагдсан байна.

5.1.5. Төрийн байгууллагын мэдээллийн ил тод байдал нэмэгдэж, иргэд, олон нийтийн саналыг цахимаар авах нөхцөлийг бүрдүүлнэ.

Хариуцлагатай төрийн алба

Зорилт 5.2. Аймгийн хэмжээнд төрийн албаны хүний нөөцийн чадавхыг улам сайжруулж, хариуцлагын тогтолцоог боловсронгуй болгож, нутгийн өөрөө удирдах ёсны болон захиргааны байгууллагаас боловсруулж байгаа бодлого, түүний хэрэгжилтэнд салбар хоорондын уялдаа холбоо, хамтын ажиллагааг хангах, мэдээллийн нэгдсэн системийг нэвтрүүлэх ажлыг хэрэгжүүлнэ:

5.2.1. Төрийн албаны мэргэшсэн тогтвортой байдлыг хангаж, албан хаагчийн гүйцэтгэлийн төлөвлөгөөг дүгнэх системийг үлгэр жишээ хэрэгжүүлнэ. Төрийн албан хаагчийн үйл ажиллагааг үнэлэхдээ ажлын гүйцэтгэл, үйлчлүүлэгчийн үнэлгээ, ёс зүй, сахилга, хариуцлагыг шалгуур болгож, ёс зүйн зөрчил гаргасан төрийн албан хаагчид хүлээлгэх хариуцлагыг чангатгана.

5.2.2. Төрийн албаны хүний нөөцийн мэдээллийн санг цалингийн нэгдсэн системтэй холбож, орон тоо, цалин хөлсний зардлын төлөвлөлт, хэрэгжилт, хяналтыг сайжруулсан байна.

5.2.3. Аймгийн хурал, захиргааны байгууллагаас гаргах бодлого, шийдвэрийн төлөвлөлтийн уялдаа холбоо хангагдан төрийн байгууллагууд мэдээллийн нэгдсэн системд шилжинэ.

5.2.4. Төрийн албан хаагчдын ажиллах нөхцөл, сургалт, нийгмийн асуудлыг сайжруулна.

Хүний эрхийг дээдэлсэн нийгэм

Зорилт 5.3. Хүний эрхийг хангахад чиглэсэн олон талт арга хэмжээг авч хэрэгжүүлнэ:

5.3.1 Хүүхдийн болон гэр бүлийн хүчирхийллийн эсрэг үйл ажиллагаа явуулдаг иргэний нийгмийн байгууллагуудад бодлогын болон санхүүгийн дэмжлэг үзүүлж, хамtran ажиллана.

5.3.2. Хот тохижилтын асуудлаар шийдвэр гаргахдаа иргэдийн саналд үндэслэдэг болно.

5.3.3. Эрдэнэт хотын иргэдийн Төлөөлөгчдийн хурлаар шийдвэрлэх асуудалд иргэд, иргэний нийгмийн байгууллагуудын саналыг авч, тусгадаг болно.

5.3.4. Сууц өмчлөгчдийн холбоо (СӨХ)-г бүтэц, зохион байгуулалтын шинэ хэлбэрт шилжүүлж, менежментийг оновчтой болгох асуудлыг иргэдийн санал, санаачлагад тулгуурлаж хэрэгжүүлнэ.

5.3.5. Иргэдийн оролцоог хангах чиглэлээр дүрэм журмыг боловсронгуй болгож, үр нөлөөтэй тогтолцоо бий болгоно.

5.3.6. Бүх төрийн байгууллагуудын үзүүлж буй үйлчилгээний чанар, үйлчлүүлж буй иргэдийн сэтгэл ханамжийн үнэлгээг хөндлөнгийн мэргэжлийн судалгааны байгууллагатай хамтран жил бүр тогтмол хийж, үр дүнд нь үндэслэн үйл ажиллагаандaa тасралтгүй сайжруулалт хийнэ.

5.3.7. Эрдэнэт хотын удирдлагын шийдвэр гаргалтад мэргэжлийн холбоод, эрдэм шинжилгээ, судалгааны байгууллагууд, иргэдийн сонирхлын бүлгүүдийн оролцоог хангана.

5.3.8. Эрдэнэт хотын удирдлага жилийн үйл ажиллагааны тайланг иргэдэд тавьдаг болно.

5.3.9. Монгол Улсын Статистикийн тухай хуульд тусгагдсан тооллого, түүвэр судалгааг аймгийн хэмжээнд зохион байгуулна.

ЗУРГАА. НОГООН-ЭРДЭНЭТ ХОТ

Зорилго 6. Хүрээлэн буй орчны бохирдол, доройтлыг бууруулж, хүн амын эрүүл, аюулгүй орчинд амьдрах нөхцөлийг бүрдүүлэн, байгальд ээлтэй, дэвшилтэт ногоон технологийг нэвтрүүлж, байгалийн нөөц баялгийг зүй зохистой ашиглуулан, нөхөн сэргээлтийг эрчимжүүлэх замаар байгалийн үр өгөөжийг өнөө болон ирээдүй хойч үе хүртэх нөхцөлийг бүрдүүлнэ.

Зорилгын хүрээнд дэвшиүүлсэн зорилт, хүрэх үр дүн: Цэвэр, ногоон Эрдэнэт хот

Зорилт 6.1. Хүрээлэн буй орчны бохирдлыг бууруулж, иргэдийн эрүүл орчинд амьдрах нөхцөлийг бүрдүүлнэ:

6.1.1. Үйлдвэр, аж ахуйн нэгж, байгууллагаас байгаль орчинд үзүүлэх сөрөг нөлөөлөл, цагаан тоосны дэгдэлтийг бууруулах ажлыг үе шаттай зохион байгуулна.

6.1.2. Эрдэнэт хотын агаарын бохирдлыг бууруулах төсөл хэрэгжүүлж, байгаль орчинд ээлтэй, дэвшилтэт ногоон технологийг бодлогоор дэмжинэ.

6.1.3. Хөрсний бохирдол, доройтлыг бууруулах төсөл, хөтөлбөрийг хэрэгжүүлж, хог хаягдлын нэгдсэн менежментийг бий болгоно.

6.1.4. Орчны хяналт, мониторинг судалгааг өргөжүүлж, мэдээллийн санг баяжуулна.

6.1.5. Орон нутгийн хамгаалалтад нэмж авах шаардлагатай газар нутгийг судалж, орон нутгийн хамгаалалттай газар, талбайн хэмжээг нэмэгдүүлнэ.

6.1.6. Хотын төв, гэр хороолол болон хотын ойролцоо суурьшлын бус газруудад үе шаттайгаар ойжуулалт, ойн нөхөн сэргээлтийг хийж, таримал ойн талбайг нэмэгдүүлнэ.

Байгалийн нөөцийн хариуцлагатай хэрэглээ

Зорилт 6.2. Байгаль орчныг хамгаалах, байгалийн нөөц баялгийг зүй зохистой ашиглуулах, нөхөн сэргээлтийг эрчимжүүлнэ:

6.2.1. Байгаль орчны хууль тогтоомжийг олон нийтэд сурталчлан таниулж, стандарт, хэм хэмжээг мөрдүүлэн, байгаль хамгаалах үйлсэд иргэдийн оролцоог нэмэгдүүлнэ.

6.2.2. Ашигт малтмалын тусгай зөвшөөрөлтэй аж ахуйн нэгж, байгууллагуудын үйл ажиллагааны улмаас бохирдсон, доройтсон, эвдэрсэн газар, газрын хэвллийг нөхөн сэргээх, хамгаалах ажлын үр дүнг дээшлүүлж, хариуцлагатай үйл ажиллагааг хэвшилжүүлнэ.

6.2.3. Аймгийн хэмжээнд эвдэрч, эзэнгүй орхигдсон газруудын нөхөн сэргээлтийг үе шаттайгаар гүйцэтгүүлж, нийтийн эзэмшилд шилжүүлнэ.

6.2.4. Гадаргын болон газрын доорх усны чанарын хяналт, мониторингийн сүлжээг өргөтгөх, ус бохирдуулагч эх үүсвэрийг бууруулах, ус бохирдуулсны төлбөрийн тухай хуулийн хэрэгжилтийг хангулна.

6.2.5. Хөв цөөрөм байгуулах, булаг шандын эх ундаргыг хамгаалж, тохижуулна.

Зорилт 6.3. Усны хуримтлал, ус хангамжийг нэмэгдүүлж, усны нөөц, чанарын хяналт, мэдээллийн шуурхай байдлыг ханган, хүн амыг эрүүл ахуйн шаардлагад нийцсэн усаар хангах, зохистой ашиглах менежментийг хэрэгжүүлэн, хаягдал бохир усыг эргүүлэн ашиглах, усыг зөв хэрэглэх, хэмнэх төсөл хөтөлбөрийг хэрэгжүүлнэ:

6.3.1. Ундын усны хэрэглээний хэмнэлтийг бий болгох, бохир усыг цэвэршүүлэх, дахин ашиглах, ариутгах татуургын байгууламжийн хүчин чадал, бүтээмжийг нэмэгдүүлэх замаар ус ашиглалтын үр ашгийг дээшлүүлнэ.

6.3.2. Хүн амын унд ахуйд хэрэглэж байгаа усны чанар, бохирдлын түвшин, хүн амын эрүүл мэнд, өвчлөл хоорондын хамаарлыг тогтоох тандалт судалгаа хийх, мэдээллийн санг бий болгоно.

6.3.3. Хотын ус хангамжийн шугам сүлжээний гидравлик тооцоог мэргэжлийн байгууллагаар хийлгэж, усны шугам хоолой, барилга байгууламжийн шинэчлэл, засвар үйлчилгээнд шаардлагатай байгаа орчин үеийн техник, тоног төхөөрөмжийг нэвтрүүлнэ.

Нүүрстөрөгч багатай, бүтээмжтэй, хүртээмжтэй ногоон хөгжил

Зорилт 6.4. Уур амьсгалын өөрчлөлтөд нөлөөлж буй хүчин зүйлүүдийг судлах, түүнийг бууруулах хөтөлбөр, төлөвлөгөө боловсруулан хэрэгжүүлнэ:

6.4.1. “Эрдэнэт хотын хатуу хог боловсруулах үйлдвэр байгуулах, хог хаягдлын менежментийг сайжруулах төсөл” хэрэгжүүлж хог хаягдлыг цуглуулах, тээвэрлэх, дахин боловсруулах, устгах үйл ажиллагааны менежментийг сайжруулна.

6.4.2. Ногоон хотын жишигт нийцүүлэн төлөвлөж, ногоон зээл, зам харилцаа, инженерийн дэд бүтцийг сайжруулах, барих төсөл хөтөлбөрийг хэрэгжүүлж, иргэдийн амьдрах эрүүл, аюулгүй, тохилог орчныг бүрдүүлж, хотын соёлыг төлөвшүүлнэ.

6.4.3. Сэргээгдэх эрчим хүч, байгаль орчинд ээлтэй дэд бүтцийн шийдлүүдийг хөнгөлөлттэй санхүүжилтээр дэмжинэ.

ДОЛОО. АЮУЛГҮЙ, АМАР ТАЙВАН -ЭРДЭНЭТ ХОТ

Зорилго 7. Хүний эрх, эрх чөлөө, нийгмийн дэг журам, иргэдийн амьдрах орчны аюулгүй байдлыг хангах, гамшгийн эрсдэлийг бууруулах замаар хүн, нийгмийн аюулгүй байдлыг хангана.

Зорилгын хүрээнд дэвшиүүлсэн зорилт, хүрэх үр дүн: Хүн, нийгмийн амар тайван байдал

Зорилт 7.1. Гэмт хэрэг, уламжлалт бус аюулын хүчин зүйлсийн болзошгүй эрсдэлээс урьдчилан сэргийлэх, таслан зогсоох чадавхыг бэхжүүлж, төр, хувийн хэвшил, иргэний нийгмийн байгууллага, иргэдийн оролцоотойгоор нийгмийн аюулгүй байдлыг хангана:

7.1.1. Мансууруулах эм, сэтгэцэд нөлөөт бодисын эргэлтэд хяналт тавих, түүнтэй тэмцэх, урьдчилан сэргийлэх ажлыг зохион байгуулна.

7.1.2. Архидан согтуурахтай тэмцэх, урьдчилан сэргийлэх ажлыг эрчимжүүлж, архинд донтох эмгэгтэй хүнд үзүүлэх эмчилгээ, үйлчилгээг сайжруулна.

7.1.3. Иргэд гэр бүлдээ амар тайван, аюулгүй амьдрах орчин нөхцөлийг бүрдүүлэх, гэр бүлийн хүчирхийллийг бууруулах, хүүхдийн аюулгүй амьдрах орчныг бүрдүүлнэ.

7.1.4. Хохирогчдод хуульд заасан үйлчилгээг цогцоор үзүүлэх түр хамгаалах байр байгуулна.

7.1.5. Орон нутгийн гамшгаас хамгаалах чадавхыг нэмэгдүүлнэ.

7.1.6. Байгалийн давагдашгүй хүчин зүйл, болзошгүй гамшиг, ослоос урьдчилан сэргийлэх, эрсдэлийг даван туулах чадавхыг сайжруулах хөтөлбөр хэрэгжүүлнэ.

7.1.7. Эрсдэл учруулж болохуйц объект, барилга байгууламж, бусад эрсдэлийг мэдээлэх платформ ажиллуулна.

Хууль сахиулах, батлан хамгаалах

Зорилт 7.2. Хууль сахиулах, батлан хамгаалах салбарын материаллаг баазыг бэхжүүлэхэд дэмжлэг үзүүлнэ:

7.2.1. Дэвшилтээ технологи бүхий камержуулалтын системийг нэвтрүүлж, Мэдээлэл, шуурхай удирдлагын төвийн үйл ажиллагааг сайжруулан, гэмт хэрэг, зөрчлөөс урьдчилан сэргийлэх нөхцөлийг бүрдүүлнэ.

7.2.2. Мал хulgайлах гэмт хэрэгтэй тэмцэх, урьдчилан сэргийлэх ажлыг эрчимжүүлнэ.

7.2.3. Төлбөрийн чадваргүй сэжигтэн, яллагдагч, шүүгдэгч, ялтан, зарим эрүүгийн хэргийн хохирогч, иргэний болон захиргааны зарим хэргийн төлбөрийн чадваргүй оролцогчдод хууль зүйн туслалцаа үзүүлнэ.

7.2.4. Хууль сахиулах байгууллагуудын хүний нөөц, техник, тоног төхөөрөмжийг сайжруулах замаар иргэдэд чирэгдэлгүй, шуурхай үйлчлэх нөхцөлийг бүрдүүлнэ.

7.2.5. Цагдаагийн байгууллагын үйлчилгээний хүртээмжийг нэмэгдүүлж, хөдөлгөөнт эргүүлийг хоёр дахин нэмэгдүүлнэ.

7.2.6. Орон нутгийн хамгаалалтын тогтолцоог бэхжүүлж, батлан хамгаалах чадавхыг дээшлүүлнэ.

7.2.7. Дайчилгааны төлөвлөгөөг боловсронгуй болгон, дайчилгааны бэлтгэл нөөцийн бүрэлдэхүүний тоо, чанарыг нэмэгдүүлнэ.

Мэдээллийн аюулгүй байдал

Зорилт 7.3. Мэдээллийн нэгдсэн сүлжээний аюулгүй байдлыг хангаж, цахим халдлага, зөрчлөөс урьдчилан сэргийлнэ:

7.3.1. Мэдээллийн аюулгүй байдлыг хангах чиглэлээр журам боловсруулж хэрэгжүүлнэ.

7.3.2. Төрийн байгууллага, төрийн өмчит хуулийн этгээдийн албан бичиг, баримтыг тусгай программ хангамжаар дамжуулж, мэдээллийн аюулгүй байдлыг хангаж ажиллана.

НАЙМ. ТОГТВОРТОЙ ХӨГЖИЛ-ЭРДЭНЭТ ХОТ

Зорилго 8. Хүн амын нутагшилт, суурьшлын тогтвортой байдал, байгалийн унаган төрх, экосистемийн тэнцвэрт байдлыг хадгалан өвлүүлсэн, бус нутгийн эдийн засгийн өсөлт, өрсөлдөх чадвартай, тэнцвэртэй орон нутгийг хөгжүүлнэ.

Зорилгын хүрээнд дэвшүүлсэн зорилт, хүрэх үр дүн:

Дэд бүтэц

Зорилт 8.1. Хот төлөвлөлтийн хүрээнд шинэ суурьшлын бүсийг бий болгох, байгальд ээлтэй, эрчим хүчний хэмнэлттэй, дулааны алдагдалгүй ногоон барилга, байгууламжийг нэмэгдүүлэн, хотын төвлөрлийг задалж, ухаалаг технологийн шинэчлэл хийнэ:

8.1.1. Эрдэнэт хот орчимд шинэ суурьшлын бус байгуулах асуудлыг судалж, нийгмийн дэд бүтцийн ашиглалт, хүртээмжийн нэгдсэн төлөвлөлт хийнэ.

8.1.2 “Миний гудамж-Бидний гэр”, “Миний орц- Бидний байшин” төслийг хэрэгжүүлж, зам талбай, гэрэлтүүлэг, камержуулалтыг дэс дараатайгаар үргэлжлүүлэн хийнэ.

8.1.3. Нарны эрчим хүчийг дулааны эх үүсвэр болгон ашиглах технологи нэвтрүүлнэ.

8.1.4. Хот дахин хөгжүүлэх төслийн хүрээнд орон сууцны хангамжийг нэмэгдүүлнэ.

8.1.5. Хотын инженерийн шугам сүлжээний дэд бүтцэд гамшгийн эрсдэлийн үнэлгээг үе шаттайгаар хийж, гэмтэл, доголдлыг бууруулах, инженерийн дэд бүтцийг сайжруулах ажлыг төлөвлөлтийн дагуу хэрэгжүүлнэ.

8.1.6. Төр, хувийн хэвшлийн түншлэлийн хэлбэрээр орон нутгийн хот, суурин газарт цахилгаан, дулааны эх үүсвэрийг нэмэгдүүлэх саналыг дэмжиж ажиллана.

Зорилт 8.2. Найдвартай, аюулгүй, хямд, хүртээмжтэй, ухаалаг нийтийн тээврийн үйлчилгээг хөгжүүлнэ:

8.2.1. Нийтийн тээврийн үйлчилгээний стандартад нийцсэн замын байгууламж, автобусны зогсоол, буудал, тэмдэг, тэмдэглэгээг бий болгоно.

8.2.2. Хот төлөвлөлттэй уялдуулан шинээр бий болж буй суурьшлын бүсэд нийтийн тээврийн үйлчилгээний маршрут, чиглэлийг нэмэгдүүлэх, зорилтот бүлгийн нийтийн тээврээр үнэ төлбөргүй зорчиход шаардагдах нөхөн олговрын хэмжээг нэмэгдүүлнэ.

8.2.3.Зорчигч тээврийн үйлчилгээний нэгдсэн “Авто буудал”-ыг байгуулж, нийгмийн хэрэгцээг хангахуйц, байгаль орчинд ээлтэй, эдийн засгийн үр ашигтай тээврийн үйлчилгээ, сүлжээг хөгжүүлнэ.

8.2.4.Иргэдийн зорчих хөдөлгөөнийг нэмэгдүүлэх зорилгоор аймаг дундын нисэх онгоцны буудал байгуулж, агаарын шугам нээх ажлыг эхлүүлнэ.

8.2.5.Ухаалаг тээврийн системд тулгуурласан хотын доторх нийтийн тээврийг хөгжүүлж, тээврийн төрлүүдийн харилцан уялдааг хангасан, өрсөлдөх чадвар бүхий аюулгүй, ая тухтай, нийтийн тээврийн үйлчилгээг нэвтрүүлнэ.

Зорилт 8.3. Хотын хэсэгчилсэн болон ерөнхий төлөвлөгөөг төлөвлөж, зам харилцаа, инженерийн дэд бүтэц байгуулах төсөл, хөтөлбөрийг хэрэгжүүлж, иргэдийн амьдрах эрүүл, аюулгүй, орчныг бүрдүүлж, хотын соёлыг төлөвшүүлнэ:

8.3.1.Эрдэнэт хотыг 2040 он хүртэл хөгжүүлэх “Хөгжлийн ерөнхий төлөвлөгөө”-г батлуулж хэрэгжүүлнэ.

8.3.2.Хот төлөвлөлтийг ил тод, нээлттэй болгож, олон нийтийн хяналттай хэрэгжүүлнэ.

8.3.3.Хотын инженерийн шугам сүлжээг тодорхой үе шаттай шинэчлэн сайжруулна.

8.3.4.Аймгийн хатуу хучилттай замын сүлжээ болон уулзваруудыг өргөтгөх, замын дагалдах дэд бүтцийг стандартын дагуу барина.

8.3.5.Үерийн хамгаалалтын төлөвлөлт, ашиглалтыг сайжруулж, шинээр барих ажлыг үе шаттайгаар хийж гүйцэтгэнэ.

8.3.6.Барилга байгууламжийн ашиглалтын төлөв, газар хөдлөлтийг тэсвэрлэх байдлыг тодорхойлох ажлыг үе шаттайгаар хэрэгжүүлнэ.

8.3.7.Хотын хог хаягдлыг цуглуулах, тээвэрлэх, дахин боловсруулах, устгах үйл ажиллагааны менежментийг сайжруулж, төр, хувийн хэвшлийн оролцоог хангана.

8.3.8.Зуслан болон амралт, зугаалгын бүсүүдэд явган хүний болон унадаг дугуйн дэд бүтцийг байгуулна.

8.3.9.Эрдэнэт хотод бусчлэл тогтоож, иргэдийн амьдрах орчны стандартыг бусчлэлд тулгуурласан байдлаар боловсруулж, хэрэгжүүлнэ.

Тогтвортой аялал жуулчлал

Зорилт 8.4. Аялал жуулчлалын маркетинг болон менежментийн үйл ажиллагааг идэвхжүүлэн, бүтээгдэхүүн үйлчилгээний соёл, чанар, стандартыг сайжруулж, жуулчдад зориулсан мэдээллийн чанар, хүртээмжийг нэмэгдүүлэн, байгаль орчинд ээлтэй, тогтвортой аялал жуулчлалыг хөгжүүлнэ:

8.4.1.Аялал жуулчлалын үйлчилгээний байгууллагуудын ажиллагсдыг мэргэшүүлэх, чадавхжуулах, үйлчилгээний соёлыг сайжруулах, улмаар стандартын өндөр түвшинд үйл ажиллагаа явуулах ажлыг эрчимжүүлнэ.

8.4.2.Монгол ёс заншлын өргөө, Эрдэнэт цэцэрлэгт хүрээлэн, Эрдэнэт үйлдвэрийг түшиглэн аяллын шинэ бүтээгдэхүүн гаргах, эвент арга хэмжээг зохион байгуулна.

8.4.3.Аялал жуулчлалын мэдээллийн чанар, хүртээмжийг нэмэгдүүлэх ажлын хүрээнд мэдээллийн төв, цэгийг байгуулах, цахимжуулах ажлыг эрчимжүүлнэ.

8.4.4. Орон нутгийн онцлогийг харуулсан гар урлал, бэлэг дурсгалын бүтээгдэхүүн үйлдвэрлэлийг дэмжих, иргэд аялал жуулчлалын салбараас орлого олох боломжийг бүрдүүлнэ.

Өрсөлдөх чадвартай хөдөө аж ахуй

Зорилт 8.5. Хөдөө аж ахуйн үйлдвэрлэлийн нөөц ашиглалт, эдийн засгийн эргэлтийг эрчимжүүлж, тооноос чанар, бүтээмжид шилжүүлнэ:

8.5.1. Гол нэрийн хүнсний бүтээгдэхүүний хэрэгцээг орон нутгийн үйлдвэрлэлээр хангана.

8.5.2. Тариалангийн нийт эргэлтийн талбайн ашиглалтыг сайжруулж, газар тариалангийн хүрсэн түвшинг тогтвортжуулан хөгжүүлнэ.

8.5.3. Малын чанар, ашиг шимиийг сайжруулж, малын тоог чанарт шилжүүлж малын генийн санг хамгаалах, биотехнологийн ололтыг нэвтрүүлэх, эрчимжсэн мал аж ахуйн салбарын хөгжлийг дэмжинэ.

8.5.4. Эрчимжсэн мал аж ахуй эрхлэгчдийн үйл ажиллагааг өргөтгөх, сайжруулахад хөнгөлөлттэй зээлийн бодлогоор дэмжинэ.

8.5.5. Мал, амьтны эрүүл мэндийг хамгаалах, мал, амьтны гаралтай түүхий эд, бүтээгдэхүүний ариун цэвэр, эрүүл ахуйн шаардлагыг хангах, нийтийн эрүүл мэндийг хамгаална.